



18. august 2017

UKA2017/58

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqummiuppara:

Timersortartut nuna tamakkerlugu unammisartut peqataanerisa taakku sulliviinnut imaluunniit ilinniarnernannut sapinngisamik ajoqutaasinnaasumik kinguneqaqqunagu qanoq iliorluni timersortartut nuna tamakkerlugu unammisartut atugaat pitsanngorsarneqarsinnaanersut misissoqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Kalaallit Nunaanni Timersortartut Kattuffiat, immikkut kattuffiit kiisalu allat susassaqtartut soqutigisaqaqatigiit misissuinermut UKA2018 tikitsinnagu Inatsisartunut agguanneqartussamut peqataatinneqassapput

(Inatsisartunut ilaasortaq Nivi Olsen, Demokraatit)

Tungavilersuut

Timersortartugut pikkorissut nunatsinnut pitsaasumik ambassadøriusarput nuna tamakkerlugu unammisartut assigiinngitsut angalaqatigalugit nunarsuup sinnerani nunani allani timersortartunut unammingaangamik. Tamanna ullumimut naleqqiullugu pingaartinnerusariaqarparput.

Ullumikkut timersortartut Kalaallit Nunaat sinnerlugu unammisartuunertik akisunarujussuartaarpat. Taamaasillutik timersortartut aalajangersimasumik atorfillit qaangiuttoornitik atorlugit freertariaqartarput feeriarlutilluunniit, Kalaallit Nunaat sinnerlugu unammiaartoraangamik. Piffissaq atugaat uteqqinneq ajorpoq taamaattumik timersortartut ilaquuttatik ikinngutitilluunniit peqatigalugit sulingiffeqarnissaraluartik annaasarpat.

Aamma taamaappoq ilinniartunut. Taakku ilikkagassaraluartik annaasarpat ilinniagassatigullu kiisalu nalunaarusiornissamikkut kinguussaaraannaasarput. Ilinniarneq inuusuttunut pingaartorujussuuvoq aamma inuiaqatigiinnut. Taamaattumik pingaaruteqartorujussuuvoq nuna tamakkerlugu unammisartutut sassarnerup ilinniarnermut akornngutaannginnissaa.

Nunani allani nuna tamakkerlugu unammisarneq ima angitigaaq, peqataasut tassaasarlutik timersuummik inuutissarsiutillit taamaattumik akissarsiarissaartinneqartarput imaluunniit tapiissutinik pisartut aningaasaliisartut imaluunniit timersullammaat kattuffiit aningaasaliiffigineqartarlutik. Pissutsit tamakku nunatsinni atorneqanngillat taamaattumik nunatsinni timersortartut nunani allanut unammisartunut naleqqiullutik kinguussaasarput.



Assersuutigineqarsinnaavoq Team Danmark, Danmarkimi timersortartut pikkorinnersaannut tapiisartuq timersortartut sapinngisamik pitsaanerpaamik sungiusarsinnaaqqullugit OL-eqarnissaanut imaluunniit VM-eqarnissaanut, taamaasilluni 2017-mi immikkut kattuffinnut tassannga 81, 3 millioner koruunit tapiissutigineqarput.¹

Demokraatini ilisimalluarparput nunaagatta ikittunnguanik inulik taamaattumillu naatsorsuutigisinnaanngikkippat nunat allat naligalugit unammisarsinnaanissarput, kisianni pisussaaffittut isigaarput timersortartut pikkorinnersaanik sapinngisamik pitsaanerpaamik sinaakkuteqartitsissalluta.

Taamaattumik kissaatigaarput Naalackersuisut misissuissasut paasinialugu nuna tamakkerlugu unammisartortatta atugaat qanoq pitsanngorsarneqarsinnaanersut siunertaralugu tamatsinnut perruualaarutaanissaat, nunarput sinnerlugu unammiartoraangamik.

Qilanaarpugut partiit allat saqqummiussassaannut taamatullu Naalackersuisut akissuteqarnissaannut.

Aningaasatigut allaffissornikkullu pisortanut kingunerusussat

Misissuineq nammineq aningaasartuutitaqassaaq. Tamatumali ilinniagartuup ukiup affaanut akissarsiaanit, tassa 250.000 koruuninik akisunerunissaa naatsorsuutiginnilarput.

Aningaasatigut allaffissornikkullu sullivinnut namminersortunut kingunissai.

Soqanngilaq

Aningaasatigut allaffissornikkullu innuttaasunut kingunissai

Soqanngilaq.

¹ <http://www.teamdanmark.dk/Presse/Nyhedsarkiv/2016/December/08-12-stoette-2017.aspx>